



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Agiudus po su Deretu a su stùdiu 2022

Avisu de perlongu de is tèrminis de scadèntzia po intregai sa dimanda a is oras 11:59 de merì de su 10 de Donniasantu 2022.

Bussa de stùdiu regionali – a.s. 2021/2022 (L.R. 5/2015)

Bonus liburus - a.s. 2022/2023 (Art. 27 L.448/1998)

Si fait sciri a is tzitadinus chi sunt stètius ativaus is interventus po su Deretu a su stùdiu, chi pertocant is studentis chi bivint is Sestu, chi s'ghint innoi a suta:

BUSSA DE STÙDIU REGIONALI (a. s. 2021/2022)

Pertocat is studentis de is scolas de primitziu e de is scolas secundàrias de primu e de segundu gradu (**a foras de is beneficiàrius de sa Bussa de stùdiu natzionali 2021/2022**), cun inditadori de sa situatzioni econòmica ecuivalenti (I.S.E.E.) chi est in balididadi, segundu su D.P.C.M. n°159/2013, prus bàsciu o paris a **€ 14.650,00**.

BONUS LIBURUS (a. s. 2022/2023)

Pertocat is studentis de is scolas secundàrias de primu e de segundu gradu cun inditadori de sa situatzioni econòmica ecuivalenti (I.S.E.E.) chi est in balididadi, segundu su D.P.C.M. n°159/2013, prus bàsciu o paris a **€ 20.000,00**.

MODALIDADI DE PRESENTADA DE SA DIMANDA

Si marcat chi depint essi presentadas duas dimandas scrobadas IN-LÌNIA, una po dònna agiudu.

Podint intregai sa dimanda online sceti a su Comune innui bivint (intrendi in sa "Stanza del Cittadino") in su liòngiu chi s'ghit:

<https://www2.stanzadelcittadino.it/comune-di-sestu/it/servizi/gruppo/pubblica-istruzione>

A INTRU DE IS 11:59 DE MERÌ DE SU 10 DE DONNIASANTU 2022:

Su babu, sa mama, su rapresentanti legali de su studianti o su studianti etotu si majori de edadi, depint cumpilai in-lìnia su mollu dedicau.

DONAI ATENTZIONI: si cunsillat a is chi depint intregai sa dimanda de ddu fai intra de unu tèrmini chi permitat de fai de mancu a calisiat strobu. Si fait sciri chi su sistema non permitit de intregai sa dimanda a pustis de su tèrmini stabilèssiu e duncas sa dimanda, mancai chi siat cumpilada, abarrat in brutacòpia e NON at a arresurtai intregada. Si pedit de averiguai s'arricimentu de sa mail chi cunfermat s'intregu curretu de sa dimanda e de cussa chi averiguat sa protocollazioni de sa matessi.

Alliongiai is paperis chi sighint:

1. Còpia de su documentu de arriconnoscimentu bàlidu de chini fait sa dimanda (si podit fai fintzas cun intrada SPID);
2. Còpia chi testimongit s'ISEE 2022, arregulari (sena de mancàntzias o irreguladidadis), chi est in balidadadi (scadèntzia intra de su 31/12/2022) e cun totus is 3 pàginas, nisciuna esclùdia; non depint essi alliongiadas DSU;
3. Còpia de su còdixi IBAN de su contu currenti o de sa carta prepagada chi at a arriciri s'acrèdidu;
4. Po su bonus liburus sceti: còpia de is paperis de spèndida, mellus si assetiaus in PDF.

Si marcat chi ant a essi arreconnòscias, sceti, is spèndidas documentadas de **faturas, scontrinus fiscalis, arricidas fiscalis o testimongiàntzias de spèndidas de su servìtziu clientis. Non funt pigaus in consideru òrdinis in-lìnia o notas de intregu.** Si marcat chi si podint amiti, e duncas si podit fai su remborsu, is spèndidas chi pertocant is còmporas de is liburus de testu imperaus de sa scola frequentada. Funt escurias is spèndidas po sa còmpora de: materiali imparadori, ditzionàrius, ainas de mùsica, cantzilleria, cobertinas de liburus, spèndidas po sa tragada (trasporto), spèndidas po rètulus (contrassegno) o àteras genias de spèndida chi non pertocant is liburus scolàsticus. Si pedit duncas de alliongiai is paperis chi s'arreferrint a is liburus comporaus sceti.

Funt arrexoni de escurida de su benefitziu:

- Sa presentada o arricimentu de is dimandas a pustis de su tèrmini previdiu de custu Avisu;
- Sa mancàntzia de rechisius chi funt pedius in custu Avisu;
- Sa fràssia de cussu chi est stètiu decrarau me is dimandas intregadas;
- Is dimandas sena de testimongiàntzia ISEE o cun s'ISEE frassu o differenti;
- Is dimandas sena de paperi de identidadi bàlidu de su pregontadori. A foras de chini ddu fait cun SPID.

MOLLUS E INFORMATZIONIS

Is mollus de imperai funt a disponimentu in su giassu web de su Comunu de Sestu in sa setzioni Home page, in s'Albo online, in sa setzioni Stanza del cittadino.

INFORMATIVA PRIVACY

Si pedit de castiai s'informativa Privacy alliongiada

- Po informatzions: Ufitziu de s'imparu pùblicu
- Telèfunu: 070 2360257-258-259
- Email: pubblica.istruzione@comune.sestu.ca.it

S'avisu e s'informativa s'agatant in custu liòngiu:

<https://www.comune.sestu.ca.it/index.php/2022/11/10/contributi-per-il-diritto-allo-studio-2022/>